



Андижон вилояти

Касаба уюшма аралашгач

135 000 000 сўм

иш ҳақи ундирилди




Андижон шаҳридаги «Андижон ёғ-мой» АЖда ишлаб чиқариш ҳажми тобора қисқариб бормоқда. Сабаби жамиятнинг моддий-техник базаси эскириб, замон талабларига жавоб бермай қолган.

10 йил аввал мингдан зиёд ходим фаолият юритган ушбу корхонада ҳозир бор-йўғи 70-80 нафар хизматчи ишлаяпти. Сўнгги пайтларда «Андижон ёғ-мой» АЖ иқтисодий қийинчилик сабаб ходимларнинг ойлик маошини ҳам беролмай қолди. Шундай бўлса-да, Агросоноат мажмуи ходимлари касаба уюшмаси Андижон шаҳар кенгаши саъй-ҳаракати билан 135 миллион сўм иш ҳақидан мuddати ўтган қарздорлик ходимлар фойдасига ундирилди.

ларини ҳар томонлама қўллаб-қувватлашга тўсқинлик қилмоқда. Ҳозирги кунда «Андижон ёғ-мой» акциядорлик жамиятининг 51 фоиз давлат улуши сотувга қўйилиб, мулкчилик шакли ўзгараётгани туфайли тегишли чораларни кўриш режага киритилган. Шунингдек, ходимлар Д.Турсунова, Д.Усмонова, Р.Алижонов бола турмушидаги таътил пулларини ололмаётгани юзасидан йўллаган мурожаати ўрганилиб, ижобий ҳал этилди.

Ғулломжон МУЛЛАЖОНОВ,
Агросоноат мажмуи ходимлари касаба уюшмаси Андижон шаҳар кенгаши раиси



Самарқанд вилояти

Меҳнат муҳофазаси

ХАВФСИЗЛИККА КАФОЛАТ БОРМИ?

Кафолат бор. Қачонки завод ва корхоналарда техника хавфсизлиги, меҳнат муҳофазаси тўғри ташкил этилган бўлса. Акс ҳолда, ходим турли жараҳат олиши ҳеч гап эмас.

«Худудгаз Самарқанд» газ таъминоти филиали раҳбарияти учун ҳам ҳар бир ходимнинг саломатлиги муҳим. Бу раҳбарият ходимлар учун яратиб берган шарт-шароитда ўз исботини топган.

Хусусан, соҳада меҳнат қилмаётган 1 минг 320 нафардан ортиқ ходим махсус кийим-бош, шахсий ҳимоя воситаси билан таъминланди. Зарарли ва ноқулай шароитда ишлаётган

ҳар бир хизматчи учун қўшимча имкониятлар бор. Муҳими, ишчиларнинг ҳаёти иш берувчининг ташаббуси билан сўғурталangan. – Ўтган давр мобайнида меҳнат муҳофазасига оид ишларга 2 миллиард 228 миллион сўмдан ортиқ маблағ йўналтирилди, – дейди «Худудгаз Самарқанд» газ таъминоти филиали мутахассиси Ҳа-

сан Дониёров. – Ўтган даврда тизимда ишлаётган 1 минг 83 нафар ходим меҳнат муҳофазаси синовидан ўтказилиб, шундан 722 нафарининг техника хавфсизлиги, меҳнат муҳофазаси бўйича малакаси оширилди.

Орифжон МИЗАМОВ,
Ўзбекистон касаба уюшмалари Федерацияси Самарқанд вилояти кенгаши мутахассиси



Фарғона вилояти


Луқма

РЕСПУБЛИКА ИШЧИ ГУРУҲИНИНГ ГАПИ «ЕРДА» ҚОЛДИ(МИ?)

2022 йилнинг 5 май кuni Қўқон шаҳрида 20 дан ортиқ вазирилик ва идоралар масъулларидан иборат республика ишчи гуруҳи аҳоли учун оммавий қабул уюштириб, турли масалаларда келган фуқаролар билан жонли мулоқотда бўлган эди. Ушбу қабул давлат раҳбарининг Фарғона вилоятига ташрифидан бир неча кун олдин ўтказилганди.

Камина ҳам ушбу қабулда 35 йилдан буён бирор марта таъмирланмагандан абгор ҳолга келиб қолган кўча йўлларини асфальтлаш масаласида масъулларга мурожаат қилган эдим. Арзимини тинглаган масъуллар Данғара тумани ҳоқими ва «Данғара тумани йўллардан фойдаланиш» унитар корхонаси раҳбарига масалани ижобий ҳал қилиш топшириғи берилди. Данғара тумани ҳоқими бу муаммо 2022 йилнинг якунига қадар ҳал бўлишини айтди. Тўғриси, ўшанда республика ишчи гуруҳининг қабулидан хурсанд бўлиб чиққандим. Ахир ҳар қарич жойи ўйдим-чуқур йўл йил охиригача асфальтланади-ю, бундан қувонмай бўладими? Қабулдан 5 кун ўтиб, маҳаллага

Данғара тумани йўллардан фойдаланиш унитар корхонасидан вакил келди. У кўча йўлини ўлчаб, қўлидаги далолатномани кўрсатди. «Данғара тумани йўллардан фойдаланиш» унитар корхонаси бош муҳандиси С.Мама-тов имзолаган далолатномада «Ўзбекистон Республикаси Президентининг давлат маслаҳатчиси Т.Худайбергенов томонидан Фарғона вилоятида ўтказилган сайёр қабулда мурожаатчи Данғара тумани «Кизилмушт» МФЙ Эшонбобо қишлоғининг ички кўчасини асфальтлаб беришни сўраган. Кўча 2022 йилнинг якунига қадар асфальтлашни мурожаатчига тушунтирилди», дейилган. Мана, 2022 йил туғанига ҳам икки ой бўляпти. Туман ҳоқими ва «Данғара



туман йўллардан фойдаланиш» унитар корхонаси раҳбари сайёр қабулда масаланинг йил якунига қадар ҳал бўлишини айтган эди, аммо амалда ҳеч нарса ўзгармади. Ҳамма гап озғизда ва қоғозда қолиб кетди. Наҳотки, одамларни узоқ йиллардан бери қийнаб келаётган муам-



мони ҳал этиш шунчалик қийин бўлса? Агарда бундай масалалар катта-катта раҳбарлар иштирокида ҳал бўлмас экан, унда бу каби қабулларни ўтказишдан не наф? Ёки бундай қабуллар хўжақўрсингами?

Жамшид ЭРГАШЕВ



Наманган вилояти

Ўқув-семинар

Иш берувчи ҳам, ходим ҳам бирдек манфаатдор

Таълим ва фан ходимлари касаба уюшмаси Наманган вилояти тармоғидаги бошланғич ташкилотлардан 1400 тасида жамоа шартномалари тузилган. Айни пайтда шундан 670 тадан ортигининг мuddати туғаш арафасида.



Маълумки, иш берувчи ҳамда ходимларнинг манфаатларини ўзида ифода этган локал ҳужжат – жамоа шартномаси Меҳнат кодекси асосида шакллантирилади. Яқин кунларда кучга кирадиган янги Меҳнат кодексидagi ўзгаришлар корхона, ташкилотларига ҳам ўз таъсирини ўтказмай қолмайди. Эндиликда қонунчиликдаги ўзгаришларни жамоа шартномаларига ҳам татбиқ этиш масаласи касаба уюшмалари олдида турган асосий вазифага айланди. Юқоридagилардан келиб чиқиб, таълим ва фан ходимлари касаба уюшмаси вилоят тармоғи жамоа шартномаларига киритилadиган қўшимча ва ўзгаришлар бўйича ўқув-семинар ташкил этди.

Шаҳар, туман кенгашлари раислари ҳамда йирик бошланғич ташкилотлар вакиллари иштирок этган тадбирда маърузачилар слайдлар асосида йиғилганларга тушунчалар беришди. – Жамоа шартномасидан иш берувчи ҳам, ходим ҳам бирдек манфаатдор, – дейди Таълим ва фан ходимлари касаба уюшмаси Наманган вилояти масъул ташкилотчиси Лutfиддин Ғаниев. – Янги жамоа шартномасида эса ишчи-ходимлар манфаати янада яққолроқ кўзга ташланади. Ушбу ўқув-семинар асосида бошланғич ташкилотларда ҳам жамоа шартномаларига бағишланган йиғилишлар ўтказилади.

Орзугул РУСТАМОВА
«ISHONCH»



Қорақалпоғистон Республикаси

АТРОФЛИЧА ТУШУНЧА БЕРИЛДИ

Тадбир

Ўзбекистон Республикаси Марказий банкининг Қорақалпоғистон Республикаси Бош бошқармаси касаба уюшмаси ташаббуси билан «Меҳнатни муҳофаза қилиш тўғрисида»ги қонун мазмун-моҳиятини банк ходимларига кенгроқ тушунтириш мақсадида ўқув-семинар ташкил этилди. Унда меҳнатни муҳофаза қилиш соҳасидаги муносабатлар, касб кассаллиги, меҳнат шароитлари, меҳнат

жараёнида инсоннинг хавфсизлиги, меҳнат шартномасининг шартлари ва меҳнатни муҳофаза қилиш тўғрисидаги ички норматив ҳужжатлар талабларига алоҳида тўхталиб ўтилди. Тадбирда банк ходимлари ўзларини қизиқтирган саволларга батафсил жавоб олдилар.

Мират ҚОСИМОВ,
Марказий банкининг Қорақалпоғистон Республикаси Бош бошқармаси касаба уюшмаси раиси



